

JP NIO SLUŽBENI LIST BiH  
SARAJEVO

Broj: 5-1-05-1-41/20-18  
Sarajevo, 16.02.2018. godine

Na osnovu čl. 69. stav 2 tačka d), 70. i 71. Zakona o javnim nabavkama Bosne i Hercegovine („Službeni glasnik BiH“, broj 39/14), člana 23. Statuta JP NIO Službeni list BiH, te prijedloga Komisije za javne nabavke broj:5-1-05-1-41/18-18 od 16.02.2018. godine u postupku javne nabavke fiksne i mobilne telefonije - LOT 2 usluga mobilne telefonije putem konkurentskog zahtjeva, donosim

**ODLUKU**

o poništavanju postupka javne nabavke

**I**

Poništava se postupak javne nabavke fiksne i mobilne telefonije - LOT 2 usluga mobilne telefonije putem konkurentskog zahtjeva, iz razloga predviđenog članom 69. stav 2 tačka d) Zakona o javnim nabavkama Bosne i Hercegovine- nijedna od primljenih ponuda nije prihvatljiva.

**II**

Ova odluka će se objaviti na web stranici [www.sluzbenilist.ba](http://www.sluzbenilist.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**III**

Ova odluka stupa na snagu danom donošenja i dostavlja se svim ponuđačima koji su učestvovali u postupku nabavke u skladu sa članom 71. stav 2. Zakona o javnim nabavkama BiH.

**OBRAZLOŽENJE**

Ugovorni organ je na osnovu Odluke o pokretanju postupka fiksne i mobilne telefonije - LOT 2 usluga mobilne telefonije putem konkurentskog zahtjeva proveo postupak nabavke.

Procijenjena vrijednost nabavke bila je 22.000,00KM bez PDV-a za sve LOT-ove.

Nakon isteka roka predviđenog za dostavljanje ponuda, Komisija za javne nabavke (u daljem tekstu: Komisija) je u Zapisniku o zaprimanju ponuda od 08.02.2018. godine konstatovala su u roku pristigle slijedeće ponude:

1. Ponuda ponuđača „MTEL“ a.d. Banja Luka, broj protokola: 5-1-05-1-41/13-18, dostavljena 08.02.2018. godine u 11.05 sati.
2. Ponuda ponuđača „BH TELECOM“ d.d. Sarajevo, broj protokola: 5-1-05-1-41/14-18, dostavljena 08.02.2018. godine u 11.20 sati.

U postupku analize pristiglih ponuda Komisija je u Zapisniku o pregledu i ocjeni ponuda, broj:5-1-05-1-41/16-18 od 16.02.2018. godine koji se dostavlja kao prilog ovoj Odluci, utvrdila slijedeće:

Ponude ponuđača MTEL a.d. Banja Luka i BH TELECOM d.d. Sarajevo nisu formalno prihvatljive iz slijedećih razloga:

1. Ponuđač MTEL a.d. Banja Luka je u svojoj ponudi dostavio kartu pokrivenosti sa jako lošom rezolucijom gdje se teško uočava procentualna pokrivenosti za GSM i 3 G.

U tenderskoj dokumentaciji u Aneksu 6- mobilna telefonija tačka 3 propisano je slijedeće: „Pokrivenost signala GSM operatera u BIH najmanje 99% populacijske pokrivenosti (prednost imaju ponuđači sa većim procentom pokrivenosti 3G signalom) i ponuđač je dužan dostaviti uz ponudu kartu pokrivenosti u BiH“. Iz navedene dostavljene karte ne uočava se traženi procenat pokrivenosti- najmanje 99 %.

2. Ponuđač BH TELECOM d.d. Sarajevo u svojoj ponudi nije dostavio kartu pokrivenosti što je bilo traženo tačkom 3. Aneksa 6 Tenderske dokumentacije- mobilna telefonija. Također, ponuđač nije dostavio certifikat ISO EAC 27001:2013 koji je bio propisan Aneksom 6. Tenderske dokumentacije mobilna telefonija, kako slijedi:

„Ugovorni organ će odbaciti ponudu ako:

1. Ponuđač nema uspješno iskustvo u realizaciji najmanje 3 (tri) ugovora čiji su karakter, kompleksnost i vrijednost slični onima koji se odnose na predloženi ugovor.
2. Ponuđač nema uspostavljen međunarodno priznat sistem upravljanja kvalitetom i certifikat upravljanja informacijskom sigurnošću

Ponuđač je obavezan uz ponudu dostaviti sljedeće dokumente kojima će potvrditi da se slučajevi iz tačke 1. ne odnose na njega:

1. Spisak izvršenih ugovora o usluzi koja je predmet nabavke. Uz spisak izvršenih ugovora ponuđač je dužan dostaviti potvrde koje su izdali primaoci usluge, a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava

ponuđača o uredno izvršenim ugovorima, uz predocjenje dokaza o učinjenim pokušajima da se takve potvrde obezbjede;

2.

a)Ovjerena kopija važećeg certifikata upravljanja kvalitetom prema normi ISO 9001:2015 ili ekvivalentnog certifikata

b)Ovjerena kopija važećeg certifikata upravljanja informacijskom sigurnošću prema normi ISO/IEC 27001:2013 ili ekvivalentnog certifikata“

Cijeneći navedeno, Komisija je ocijenila da je u skladu sa članom 69. stav 2 tačka d) Zakona o javnim nabavkama BiH potrebno poništiti postupak nabavke.

Članom 69. stav (2) tačka d). Zakona o javnim nabavkama BiH propisano je da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva.

Na osnovu ovog prijedloga Komisije za javne nabavke, donesena je odluka kao u dispozitivu.

**PRAVNA POUKA:**

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pismenoj formi direktno, elektronskim putem ili preporučenom poštanskom pošiljkom na adresu: Džemala Bijedića 39, Sarajevo. Žalba se podnosi u 3 (tri) primjerka.

DOSTAVLJENO:

1. Svim učesnicima u postupku
2. Komisiji za javne nabavke
3. a/a.

DIREKTOR  
Dragan Prusina